



Broj: 12-11-15-885/21
Sarajevo, 30. 3. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke iz Zapisnika o ponovnom postupku pregleda i ocjene ponuda Komisije za provođenje postupka nabavke usluga za održavanje i servisiranje službenih vozila za potrebe Ureda za reviziju institucija u Federaciji BiH za budžetsku 2021. godinu, broj: 12-11-15-92-15-1/21 od 29. 3. 2021. godine, generalni revizor donosi

ODLUKU

o izboru najpovoljnijeg ponuđača u postupku nabavke usluga održavanja i servisiranja službenih vozila za lot 1 i lot 2

I

U postupku nabavke usluga za održavanje i servisiranje službenih vozila za lot 1- usluge održavanja i servisiranja službenih vozila van garantnog roka marke Audi i lot 2- usluge održavanja i servisiranja službenih vozila van garantnog roka marke Volkswagen za potrebe Ureda za reviziju institucija u Federaciji Bosne i Hercegovine za budžetsku 2021. godinu putem konkurentskog zahtjeva za dostavu ponuda, Ugovorni organ donio je odluku o izboru najpovoljnijeg ponuđača i to: „Saradis d.o.o.“ Sarajevo, za oba lota.

II

Ova Odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke, elektronskom poštom, preporučenom poštom ili neposredno.

III

Ova Odluka stupa na snagu danom potpisivanja.

O b r a z l o ž e n j e

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14) i Odlukom broj: 12-11-15-92/21 od 12. 1. 2021. godine, pokrenuo postupak nabavke usluga održavanja i servisiranja službenih vozila, podijeljen na tri lota: lot 1 – usluge održavanja i servisiranja službenih vozila van garantnog roka marke Audi, lot 2- usluge održavanja i servisiranja službenih vozila van garantnog roka marke Volkswagen i lot 3 - usluge održavanja i servisiranja službenih vozila u garantnom roku marke Volkswagen za potrebe Ureda za reviziju institucija u Federaciji Bosne i Hercegovine za budžetsku 2021. godinu.

Obavještenje o javnoj nabavci, broj: 296-7-2-3-3-4/21 objavljeno na Portalu javnih nabavki 26. 1. 2021. godine.

Postupak je provela Komisija imenovana Rješenjem generalnog revizora broj: 12-11-15-92-1/21 od 21. 1. 2021. godine, koja je o istom sačinila: Zapisnik o zaprimanju ponuda od 18. 2. 2021. godine, Zapisnik o otvaranju ponuda od 18. 2. 2021. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-92-14/21 od 18. 2. 2021. godine i Zapisnik o pregledu i ocjeni ponuda broj: 12-11-15-92-15/21 od 18. 2. 2021. godine.

U postupku pregleda i ocjene ponuda utvrđeno je sljedeće:

- Ugovornom organu ponude su dostavila tri ponuđača i to: za lot 1 i lot 2 GUMA-M d.o.o., Saradis d.o.o. za i AC QUATTRO d.o.o. i za lot 3 AC QUATTRO d.o.o.

U postupku pregleda i ocjene ponuda utvrđeno je sljedeće:

- Iz analitičkog prikaza traženih i dostavljenih dokumenata konstatuje se da ponuđač GUMA-M d.o.o. Mostar nije dostavio dokumentaciju traženu tenderskom dokumentacijom, kojom bi dokazao da njegove kvalifikacije zadovoljavaju uslove utvrđene u tenderskoj dokumentaciji i ispunjavanju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o posjedovanju lakirnice i komore za sušenje laka.

- Iz analitičkog prikaza traženih i dostavljenih dokumenata konstatuje se da ponuđač SARADIS d.o.o. Vogošća nije dostavio dokumentaciju traženu tenderskom dokumentacijom, kojom bi dokazao da njegove kvalifikacije zadovoljavaju uslove utvrđene u tenderskoj dokumentaciji i ispunjavanju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o posjedovanju lakirnice i komore za sušenje laka.

- Iz analitičkog prikaza traženih i dostavljenih dokumenata konstatuje se da ponuđač AC QUATTRO d.o.o. Sarajevo nije dostavio dokumentaciju traženu tenderskom dokumentacijom, kojom bi dokazao da ispunjavaju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o posjedovanju lakirnice i komore za sušenje laka.

Ugovorni organ je na preporuku Komisije, datu Zapisniku o pregledu i ocjeni ponuda broj: 12-11-15-92-15/21 od 18. 2. 2021. godine, donio Odluku o poništenju postupka javne nabavke broj: 12-11-15-620/21 od 3. 3. 2021. godine (u daljem tekstu: Odluka o poništenju), jer nijedna ponuda nije potpuna i ne ispunjava zahtjeve iz tenderske dokumentacije.

Ponuđač Saradis d.o.o. je u ostavljenom roku izjavio žalbu broj: 08-A-03/2021 od 8. 3. 2021. godine, koja je zaprimljena kod Ugovornog organa dana 8. 3. 2021. godine i protokolirana pod brojem: 12-11-15-92-13-5/21.

Žalbom koja je izjavljena na Odluku o poništenju, ponuđač traži da Ugovorni organ poništi Odluku o poništenju te nastavi postupak nabavke nakon što poništi Odluku o poništenju.

Ugovorni organ je cijeneći navode u žalbi ponuđača, usvojio žalbu te poništio Odluku o poništenju i vratio postupak u fazu ponovne evaluacije ponuda.

Komisija je izvršila ponovni detaljan pregled i ocjenu ponuda, kako bi utvrdila da li su ponude ponuđača prihvatljive, te 29. 3. 2021. godine sačinila Zapisnik o ponovnom postupku pregleda i ocjene ponuda broj: 12-11-15-92-15-1/21 i Analitički prikaz traženih i dostavljenih dokumenata broj: 12-11-15-92-14-1/21.

U Zapisniku o ponovnom postupku pregleda i ocjene ponuda je konstatovano slijedeće:

- Iz analitičkog prikaza traženih i dostavljenih dokumenata konstatuje se da ponuđač GUMA-M d.o.o. Mostar, za lot 1 i lot 2, nije dostavio dokumentaciju traženu tenderskom dokumentacijom, kojom bi dokazao da njegove kvalifikacije zadovoljavaju uslove utvrđene u tenderskoj dokumentaciji i ispunjavanju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o raspolaganju lakirnicom i komorom za sušenje laka.

- Iz analitičkog prikaza traženih i dostavljenih dokumenata konstatuje se da ponuđač AC QUATTRO d.o.o. Sarajevo, za lot 1, lot 2 i lot 3, nije dostavio dokumentaciju traženu tenderskom dokumentacijom, kojom bi dokazao da ispunjavaju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o raspolaganju lakirnicom i komorom za sušenje laka.

- Ponuda ponuđača Saradis d.o.o. Sarajevo za lot 1 i lot 2 je prihvatljiva jer je u skladu sa zahtjevima iz tenderske dokumentacije.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

- AC QUATTRO d.o.o.
- Saradis d.o.o.
- GUMA-M d.o.o
- a/a

